

## Tutauona Uso Wake

Nao watamwona uso wake, na jina lake litakuwa katika vipaji vya nyuso zao—**Ufunuo 22:4.**

Kwa sasa hatuwezei kuuona utukufu wa Mungu, lakini ni kwa kumpokea Yeye hapo ndipo baadaye tutaweza kumwona uso kwa uso. Mungu anatutaka tuyakaze macho yetu Kwake, ili tuweze kushindwa kuyaona mambo ya ulimwengu huu. Hatuna muda kwa mmoja wetu kuchelewesha yale maandalizi ambayo yatatuwezesha kuuona uso wa Mungu....

Ni kwa kumtazama Yesu tu, Mwana-Kondoo wa Mungu, na kutembea katika nyayo Zake, ndipo unaweza kujiandaa kukutana na Mungu. Mfuata Yesu, nawe utatembea siku moja kwenye barabara za dhahabu ya mji wa Mungu. Utamwona Yeye ambaye aliweka kando mavazi Yake ya kifalme na taji Yake ya kifalme na akiwa amejifunika Mwenyewe kwa ubinadamu, alikuja duniani kwetu na kubeba dhambi zetu, ili kwamba Atuinue juu na kutupatia ufunuo wa utukufu na ukuu Wake. Tutamwona uso kwa uso ikiwa sasa tutajitoa Kwake ili tufinyangwe na kutengenezwa na Yeye na kuandaliwa kuwa na mahali katika ufalme wa Mungu.

Wale ambao huweka wakfu maisha yao kwa huduma ya Mungu wataishi pamoja Naye katika zama zisizokoma za umilele. “Naye Mungu mwenyewe atakuwa pamoja nao, na kuwa Mungu wao” (Ufunuo 21:3)....

Akili zao zilitolewa kwa Mungu katika ulimwengu huu; walimtumikia Mungu kwa mioyo na akili zao na sasa ataweka jina Lake katika nyuso zao. “Wala hapatakuwa na usiku tena; ... kwa kuwa Bwana Mungu huwatia nuru: nao watatawala hata milele na milele” (Ufunuo 22:5). Hawaingii ndani kama watu waombao makao pale, kwa maana Kristo anawaambia, “Njoni, mliobarikiwa na Baba yangu, urithini ufalme mliowekewa tayari tangu kuumbwa ulimwengu” (Mathayo 25:34). Anawachukua kuwa watoto Wake, akiwaambia, Ingieni katika furaha ya Bwana wenu. Taji ya umilele inawekwa katika vipaji vya nyuso za washindi. Wanachukua taji zao na kuzitupa miguuni pa Yesu na huku wakipiga vinubi vyao vya dhahabu, wanaijaza mbingu yote kwa muziki mkuu wa nyimbo za sifa kwa Mwana-Kondoo. Kisha “Nao watamwona uso wake, na jina lake litakuwa katika vipaji vya nyuso zao.”